



hĩa na kanya ka mbakĩ

mũhuhĩ wa ruhia


Mweri Wa Kĩhu
3/27/2024

002

Mũgambo Wa Kĩrĩnyaga

Andũ a Kenya nĩ arakaru mũno nĩ mũtũrĩre Kũritũha na aingĩ marauga thirikari ya Ruto ñna wana mũkĩru

Matũũra Mũgwanja Me Ngumo Nairobi Nĩmekũmomorũo.



aya athuri mangĩrĩ muoyo matingĩkena mona ũria burũri urathũ



Ngabana wa Nairobi Sakaja arehũra githũri akaiga megũcimomora make ngoroba mĩrongo ĩrĩ na ithano.
(arĩta)



Thirikari ya kanjũ ya Nairobi ĩraiga ciikaro mũgũanja cia Nairobi nĩ ikũmomorũo nĩ getha make nyũmba cia ngoroba ota ĩria thirikari nene ĩreharĩria gwaka kũndũ kũingĩ burũri wotho.

Nĩ ũndũ ũrakarĩtie andũ aingĩ mũno no matirenda kũigua mateta mao. Andũ arĩa maikaraga kũndũ ta Jerico makaite mũno nĩ tondũ makũrĩre kũu na nokuo moĩ ta mũciĩ. Maroria thirikari ĩtuge kũmomora nyũmba icio tondũ nĩ ĩrĩ history nene nĩ tondũ andũ me igweta ta Tom Mboya nĩkuo maikaraga.

Nĩ ũndũ ugũkorũo na hinya kũrutũra andũ amwe me na miaka mĩingi matũra macio moĩ nĩkuo mũciĩ.

Ti hingo ya mbere kwĩrũo atĩ nĩ gũgũthario tondũ ũria warĩ ngabana wetagwo Kidero nĩ aigĩte nĩ egũtharia no

gũtiigana kũhinga.

Nĩ tũratũmire mwandĩki ũmwe kũu Jerico na oria andũ ũhoro ũcio wa kũingatwo makĩrũo nyũmba njega maramerire atĩ gũtirĩ kũndũ marathiĩ na matikuma kuo tondũ nĩ kũndũ mende te mũno.

“Thirikari ĩno ya Ruto Ndĩrĩ na tha na akenya arĩa mamũthurire” mũtumia wĩna tũmĩaka arerire andĩki aitũ arakarĩte mũno.

Nĩ gũgũkorũo na ũritũ mũnene kũingata andũ makiri arĩa matoĩ kũria megũthĩ na thirikari nĩ yagĩrĩrũo kũmahe kũndũ gwa gũikara kamũira mebangĩte.

Nĩ tũrageririe kũhũra thimũ kwa ngabana no tũtinahota kũmũnyita.

Uyũ nĩ mwandĩki wa rũraya Wanjirũ wa Kagucia.

“Thirikari ĩno ya Ruto Ndĩrĩ na tha na akenya arĩa mamũthurire” mũtumia wĩna tũmĩaka arerire andĩki aitũ arakarĩte mũno. Maroria thirikari ĩtuge kũmomora nyũmba icio tondũ nĩ ĩrĩ history nene nĩ tondũ andũ me igweta ta Tom Mboya nĩkuo maikaraga.

MOHORO

Andũ matarĩ ndundu mahũragwo na njũgũma ĩmwe



We do not specialize in investigative journalism but inform diaspora what is happening as reported or from our correspondents <https://kenyanparentsina.com>, liams2314@yahoo.com | Published in Marietta GA. \$1 ksh 0.00 all you need. TEL4049668550



MAGOTI MA MWAŪRANDŪ.



Karũgano kandĩke nĩ Ngũgĩ wa Thiong’o Gakaganwo nĩ Ndũngi wa Gĩthuku

Kwĩ hĩndĩ Mwaũrandũ endete magoti mũno
O mũbuto wakoragwo na igoti rĩaguo
Wa bururu, igoti rĩa bururu
Wa mathangũ, igoti rĩa mathangũ
Mũtune, igoti itune, o ũguo o ũguo
Nginya agetagwo nĩ andũ mũnene wa magoti
Nake akĩambĩrĩria gwĩtotora na gĩthweri
Piga magoti
O na gĩthũngũ
Cook Maggot
Oĩkaine ũguo atĩ nĩ mũndũ wa magoti rĩ
Mwaũrandũ abatithirio mũrutani nĩ kĩ?
Ti tondũ wa kũrutana thukuru
Kana kũruta mbeca cia gwaka thukuru.
Aca,
Abatithirio ũguo nĩũndũ wa

kũruta andũ Kĩrĩa kĩrĩ mũhuko matige kũritũhĩrwo
Agũkora wĩ na igoti kwĩ na riũa
Reke ngwaũre igoti kwĩ na riũa
Agũkora wĩ na igoti kwĩ na mbura
Reke ngwaũre igoti rĩtikoirĩrwo nĩ mbura
No rĩrĩa ningĩ amenyire atĩ
Ngeretha makoronia manjirie wathani wao
Wa ũkoronia na gwĩtia igoti rĩa nyũmba
Mwaũrandũ akĩona ta ona kĩoneki
Mwana aingĩra nyũmba,
Ruta igoti rĩa nyũmba
Aka koigũ ka mbũkũ
Ruta igoti rĩa kanyũmba ka mbũkũ
Akĩra ngũkũ kĩaga
Ruta igoti rĩa ngũkũ
Enja irima rĩ maaĩ
Ruta igoti rĩa maaĩ
Aka kĩoro
Ruta igoti rĩa Mai

Wagũra kanyamũ
Ruta igoti rĩa kũgũra kanyamũ
Wendia kanyamũ
Ruta igoti rĩa kwendia kanyamũ
Wũĩ ĩ
Wendia Maguna Ngui
Ruta igoti rĩa kũguna Ngui
Wendia Makondobia
Ruta igoti rĩa ngũbia
Watua makandamia
Ruta igoti rĩa gwathamia kanua
Mũthuri na mũtumia moiga ma-komanie
Ruta igoti rĩa wendo
Maraya magĩkara haraya
Araihĩrĩrio nĩmo akiuga
Habaana
Acio nĩ hustlers
Nĩ ndamatĩnĩria igoti
Ndikwenda arũme morĩre rũraya
gũcaria Maraya
Maaĩ me kũraya matinyotoraga mũnyotu

No he rĩmwe atororokirie rĩrĩa erire ciana irute igoti rĩa rĩera
Atĩ ciĩtikĩrio kũhĩhia rĩera na Kwaga ũguo cihihie ndogo ya maithori
Andũ magĩciria araria cia igoti
Magĩkaya makiuga ciao ngingo itigũtinio magoti
Kaba matinio igoti rĩa nyũmba
Handũ ha gũtinio igoti rĩ ngingo.
Angĩ nao magĩkaya
Auuuu atĩ tũtinio magoti?
Kĩongo kĩnyitĩrĩrwo nĩ kĩĩ?
Mwĩrĩ na kĩongo itigithanio?
Makiuga matigwĩtikĩra
Na matigũkĩra ki
Magĩcarĩkia mbu
Tũtigũtinio ngingo tũkirĩte
Makĩambĩrĩria kũina:
Ūkai inyuothe kanini na kanene
Tweherie maggot nyũmba...
Kĩara kĩmwe gĩtiũragaga ndaa
Kamũingĩ koyaga ndĩrĩ...

“zakayo”

Luka 19:2

Nakuo kũu Jeriko nĩ kwarĩ mũndũ wetagwo Zakayo; warĩ mũnene wa etia mbeeca cia igooti na aarĩ gĩtonga.

Nake Jesũ aakinya hau, agĩtiira maitho na igũrũ, akĩmwĩra atĩrĩ,

“Zakayo, harũrũka narua, tondũ ũmũthĩ no nginya

thĩ gwaku mũciĩ.”Nowe Zakayo akĩrũgama, akĩra Mwathani atĩrĩ,

“Mwathani, rĩu nĩngũheana nuthu ya indo ciakwa kũrĩ athĩni,

na hangĩkorwo harĩ mũndũ o na ũrĩkũ ndunyĩte kĩndũ, nĩngũmũrĩha kĩndũ kũu maita mana.”

Ngoima Cia ũgũrani Wa Mũgikũyũ.



**Ndatha mbũri.
Thenge ya Kĩrige.
Ndũrũme ya atumia.
Kĩhunyĩro kĩa mwengũ.
Horio.**

**Igongona rĩa mbũri ya ũihwa.
Igongona rĩa ngũũranio.
Ngoima ya kĩhunyiro.**



**Hihĩ Kũrĩ mũndũ ũngĩra
mũgikũyũ atĩ mbũri nĩ njũru?**

Gakĩibatha nĩkoĩ nĩ karĩthoitha

Andũ a njohi cia ibango nĩ monete nganga mbute



Andũ a njohi cia ibango nĩ monete nganga mbute tondũ mũndu wa rware wĩtagũo Gachagua ndarenda wana na atuite nĩ mekũn'gara kahinda kanene.

Kuma rware kinya Kiambu Gachagua araigĩre atĩ gũtirĩ mũndũ ũgũcoka kwendia karubũ kana chang'aa ya mithemba yoothe tondũ nĩ ãthũkĩtie imwana kinya tũrendi tũnyinyi tũria tũnyuaga tũkerigwo.

Gachagua arerire macibu moothe mathiĩ na mbere kũnyita arĩa mendagia na ona arĩa maranyua njohi iyo yũragĩte andũ anyinyi ona matari na bamĩri. Ni kieha kĩngĩ tondũ andũ arĩa magĩrĩrwo gũkũria bũrũri nĩo maranyua kuma rũcinĩ kinya ũtukũ na aingĩ marĩkagia kwaga ciana.


Kũratũka ona njohi iyo nĩ itete micĩĩ mĩngĩ mũno athuri aingĩ mona ciana irĩa ciaciarũo itimahana.

Nĩ wĩra ũgũkorwo na hinya mũno tondũ andũ arĩa mendagia njohi icio makoragwo me hamwe na borithi irĩa maheaga mbeba nyingĩ.

Nĩ kũri na ikundi nyingĩ mũno gĩcigo gĩa gĩtarũ kĩa gatagatĩ na tũkũhoya mũrũngu eke kwenda gwake tondũ nĩ undũ wĩna kieha mũno tondũ rũrĩrĩ rũgima no rũhuke.

Uyũ nĩ ribota wĩtagwo Wanjirũ Wa Karuitha

ũyũ arorete kaburi inĩ



**Mũrũgi wa njohi
cia ibango**

Mũgambo Wa Kirĩnyaga

Nĩmũkwenda

Tũthĩ

na mbere



**Warũbũkũ erire
warũhiti makahũre
atumia ao.. Warũhiti
agĩthĩĩ kũrumia mũka
warũbũkũ arumagia
ndarama.
Kĩrĩndĩ tigana nakĩo**



**Tũma Rũgano rwaku
ona ndeto ingĩ cia bũrũri**

**na rũthiomi rwa ũgikũyũ
hũthĩra marũa ma rĩera inĩ**

diasporatimeskenya@gmail.com

Kũnyitanĩra na *The Diaspora Times*

RŪGANO RWA MBUTHIA NA WANGECI.

I tūra inĩ ria agĩkũyũ nĩ kwarĩ na kahĩ kamwe getagwo Mbuthia na karĩ na ũcamba mũno na nĩkehokeirwo nĩ ithe rūru rwa mahiũ mao rūrĩa karĩthagia o muthenya o muthenya.

Mbuthia ndarĩ kĩndũ etigĩrĩte onakĩ na kuoguo nginya gũtirĩ nyamũ kana kĩndũ angĩetĩkĩririe kĩhutie mahiũ mao. Mbuthia nĩakũrire na hinya mũingĩ mũno nginya agĩkorwo e njamba ya itũra rĩao. Anake othe a itũra rĩu gũtirĩ ona ũmwe wathakagĩra Mbuthia na nĩũndũ wa ũguo ahiki othe arĩa athaka nĩ meriragĩria kũhikio ni njamba iyo. Matũraga macindanaga ndaci inĩ kũina wega biu nĩgetha monwo ni Mbuthia.

Mũhiki ũmwe wetagwo Wangeci nĩatũire itua rĩa gũtwaragĩra Mbuthia irio e rūruini o muthenya na ũgĩtuĩka mũtugo wake. Hĩndĩ ĩmwe nĩ kwagĩire na ng'aragu nene mũno itũra inĩ rĩa gĩkuyũ na mahiũ makĩhũta mũno o kinya athuri makihe rūtha anake arĩa marĩithagia rūtha rwa gũthĩ bũrũri wa kũraya makarĩithie mahiũ mao.

Anake nĩmaimagarire kũndũ kũraiho mũno na magĩtũra matukũ maingĩ mũno mategũcoka na mucĩ. Mbuthia nĩambatarie mahiũ mao kĩrĩma inĩ kũrĩa kwarĩ na



Wangeci ithaga rĩakwa, nyarari yakwa nongũkũinukia!!!

nyeki nduru mũno.

Wangeci nĩatangĩkire ngoro mũno thutha wa kwaga Mbuthia gwa kahinda kanene na agĩciria ũrĩa e gũthĩ bũrũri wa kũraya gũcarĩa Mbuthia tondũ nĩamwendete mũno. Akioya kondo gake agĩkĩra marigũ meru, ikwa na ndũma cia kũhĩhio akiomagara gũcarĩa Mbuthia. Thutha wa gũthĩ matukũ maingĩ akĩona anga ndarĩ hĩndĩ arĩona Mbuthia na tondũ onake nĩakoretwo ahũtĩte mũno akĩona nĩwega arĩe tumarigũ tũrĩa akuĩire Mbuthia.

Gũkiura mbura nene mũno na Wangeci agĩcarĩa handũ harĩa angĩyũa mbura. Agĩthĩ rungu rwa mũtĩ warĩ mũnene mũno na aikarĩte hau gũkĩgĩa marurumĩ manene mũno nginya harĩa Wangeci eyũite hakĩgĩa mũkuru mũnene mũno ũrĩa watũmire Wangeci aharũrũke nginya kũrĩa thĩ na agĩkinya thĩ nĩerigĩtwo na akĩringĩka. Rĩrĩa agurumũkire agĩkora e ngurunga thĩini na yakĩtio mwakĩ. Akĩmaka na akĩrigwo kũrĩa arĩ. Ageria gũkĩra agĩkora nĩmuohe moko na magũrũ makohererũo itugĩ inĩ. Akĩrigwo e gwĩka afĩa na nũ ũngĩ mũteithia.

Thutha wa matukũ gũthianga Mbuthia na anake arĩa angĩ nĩ macokire itũra inĩ rĩao na marĩ thome makĩona andũ othe mena ihoru rĩnene mũno na makĩrigwo nĩkĩ kũru. Maitũ wa Wangeci agĩũka akĩrĩraga akĩgũa magũrũ inĩ ma Mbuthia akĩmũria kana nĩonete Wangeci. Mbuthia akĩmaka mũno na akĩũria nyina wa Wangeci kaĩ Wangeci athire kũ? nyina na kĩgirĩko kĩnene akĩmũcokeria akĩmwĩra, Wangeci aumagarire agĩũka gũgũcarĩa nĩũndũ wa ũrĩa akwendete.

Mbuthia aigua ũguo akĩmaka mũno na akĩoya itimũ na rūhiũ rwa njora akĩra maitũ wa Wangeci nĩekũrehe Wangeci e mũgima. Atanaumagara ithe wa Wangeci akĩra Mbuthia wandehera mwarĩ wakwa e thayũ nĩ ngũkũhe atuĩke mũkaguo.

Mbuthia agĩtema ihenya arorete gĩthaka inĩ na akinya kũu gĩthaka inĩ akĩambĩrĩria kũina Wangeci ithaga rĩakwa, nyarari yakwa nongũkũinukia.

Athĩ kũndũ kũraiho agĩkora handũ hena mũkuru mũnene mũno na arora wega akĩona ndogo ĩratoga. Agĩkũrũka na mĩri ya mũtĩ nginya agĩkinya thĩ.

Akinya thĩ agĩtana na mũgambo mũnene akiuga

Wangeci ithaga rĩakwa, nyarari yakwa nongũkũinukia!!! Wangeci akĩigua mũgambo wa Mbuthia agĩcokia akiuga, Ndĩhaha njata yakwa njamba yakwa nyendete mũno! Irimũ rĩrĩa riohete Wangeci rĩkĩgua inegene rĩgĩũka ihenya mũno na mũkubio mũnene wathingithagia thĩ na ũkainainia mũtĩ.

Mbuthia kũigua ũguo agĩteng'era arorete kũrĩa ndogo yaumaga na atonya agĩkora Wangeci ohetwo moko na magũrũ akĩmwohora. Makĩhĩmbanĩria makenete mũno. Orĩrĩ matua kuma mainũke irimũ rĩarĩ rĩnene mũno na ritho rĩmwe rigĩkorwo rĩakinya rĩkĩra Mbuthia atigane na Wangeci nĩwe arenda kũhikia. Mbuthia kũigua ũguo akĩoya itimũ rĩake agĩkĩria irimũ rĩu akĩrĩtheca ritho rĩkĩgũa thĩ. Akioya rūhiũ rwake rwa njora agĩtania irimũ rĩu ngingo rĩgĩkua.

Akioya Wangeci akĩmũcokia mũcĩ na makinya mũcĩ aciari a Wangeci magĩkena mũno na magĩthondeka iruga rĩnene mũno rĩa gũkũngũra gũcoka kwa mwarĩ.

Thutha ucio makĩharĩria ũhiki mũnene mũno wa Wangeci na Mbuthia.

Mwandĩki nĩ Joseph Kĩmani

Akioya kondo gake agĩkĩra marigũ meru, ikwa na ndũma cia kũhĩhio akiomagara gũcarĩa Mbuthia. Thutha wa gũthĩ matukũ maingĩ akĩona anga ndarĩ hĩndĩ arĩona Mbuthia na tondũ onake nĩakoretwo ahũtĩte mũno akĩona nĩwega arĩe tumarigũ tũrĩa akuĩire Mbuthia.

Hĩndĩ ĩmwe nĩ kwagĩire na ng'aragu nene mũno itũra inĩ rĩa gĩkuyũ na mahiũ makĩhũta mũno o kinya athuri makihe rūtha anake arĩa marĩithagia rūtha rwa gũthĩ bũrũri wa kũraya makarĩithie mahiũ mao. Anake nĩmaimagarire kũndũ kũraiho mũno na magĩtũra matukũ maingĩ mũno mategũcoka na mucĩ.

Kīruru Kīa Wangibū Wanyang'arua.

Gīkī nī kīruru kīa Wangibū Wanyang'arua kīrīa kīoirwo mwaka-inī wa 1960. Ūyū nīwe wetagwo Wamūgumo na arī ngumo nene mūno tondū wa hinya wake.

Wamūgumo aarī wa kīrūgamo kīa 8 feet na nī arūndaga ndegwa e wiki.

Nī arīmaga mūgūnda īka īmwe e wiki na mathaa meerī. Ekagīra njingiri nene mūno yathiaga īkīgambaga ūū atī nī ai-guīkaga e haraya.

Ciana ciaigua cianagīrīra ikoiga "ci-ririririri Wamūgumo!"... ciririririri Wamūgumo... ciririririri Wamūgumo! Angīathecereire itimū thī arūme atatū matingīahotire kūrīmunya.

Aruta wīra ndeendaga kūrīhwo mbia endaga ūmūrīhe na irio.

Nī akaanirie Agīkūyū akīmeera meenda mbia mūno nī ikaharagania rurīrī.

Wamūgumo aarī mūdū mūgo mūnene wa NGAİ na aragūraga na kūigīrīra rūhī rwake tīri-inī.

No akua nyakeerū nī makuire mwīrī waake, itimū na mondo yaake īrīa ekagī-ra irio.

Anonymous kuma mbuku ya ūthiū (facebook)



Mwīrī wītaguo mwīrī tondu Muri erī wee na Ngoma. rīrīa wī toro ukoragwo wī Ngoma Nīkīo un-gītwo kīroko utarīkītie gutuīka ngoma(gukoma) ugaga reke ngo-makome(ngoma akome) Ngomaīyo īngiuma thīini waku no kuguruka ugurukaga Tondū Ngoma īyo niyo itumaga uhote guthutukania maundu,wakiguruka tukoiga ng'ania niaraumirwo ni ngoma.

Ngoma iyo yaku niiri uhoti wa kuuma thiini wa mwiri riria wi Toro nīkio uhotaga gucemania na andu aria makomire tene Tondū

onawe ukoragwo uri o ngoma tao. Nīkio mundu rimwe arotaga akiumbuka Tondū Ngoma yaku ndiri mwiri ithiagira rieraini.Ngo-ma yaku ingigera haria hatagiriire onayo niingatagwo ni Ngoma iria ingi ugakirota ugiteng'erio na ugo-kira uhumite muno .

Riria ugakua Ngoma iyo niyo igakorwo yumite mwiriini na tutikahota guikarania nawe ringi Tondū mutigakorwo muri eri (mwiri) ugakorwo wi kiimba.

Ngoma iyo niyo yukaga kurandura Mathiri mayo kuri ithui aria twi muoyo.


Wiciiragia tariu muciarī angigukania undu ucoke uwike nuu ukaga gukuhura? Natondū Ngoma ndiki-ri moko ati niigukuhura iboko iguikagiria ndwari Gituure kanitha ukumithagia Ngo-ma nandumenyaga niwe wikumithagia

Ndandīkīte na ndemwa cia ugīkūyū

Anonymous kuma mbuku ya ūthiū (facebook)

Indo cia athuri rūracio inĩ

**Ngoima ya kĩrige
Thenge nene
Ng'ondũ noru
Kabũri kanini
Mirengeti
Mori ĩtarĩ ngame
Mbũri cĩa mirongo
Njohi ya ũũki
Maaha
Itangi rĩa maĩ**



Indo cia atumia rūracio inĩ

**Nyũngũ
Cĩhũri
Ithanwa
Mũkwa
Nguo cĩa atumia
Rithũ
Njohi ya atumia
ũcũrũ wa mũkio**





Atumia mehumbite ngũo cia ũgikũyũ ni manyitirwo kũu Mũranga na magĩtwarwo igoti inĩ kũrĩa macirithirio ta a memba a mũngiki. Ni ũndũ wamakirie andũ a gĩtarũ kĩa mwena wa gatagati.

Njohi ya mũratina ihũthĩkaga;



1. Kũrathima mwana.
2. Gũtuga mama akĩheo nduhi cia mbũri cia matũ na nyarũme.
3. Ngũrano.
4. Kamatimũ akĩheo kĩaama.
5. Hukũro.

Nongorio cia njohi ya Mũratina.

Maaĩ- maaĩ nĩ rĩtwa riumĩte kũrĩ rĩtwa ma. Yani uhoro wa ma. Maaĩ maumaga rũũ Yani rũũ nĩrũĩ ma rũrĩrĩ rwitũ nĩ ma ĩ rĩa ĩgeragĩra hau. Maaĩ nĩ muoyo na koguo kĩrĩa ũkũnyua njohi-inĩ ĩyo ũrong-oragĩrio ũrotũra muoyo.

2. Kĩratina- Kĩratina nĩ itunda rĩa mũratina. Itunda rĩu tiga rĩ-tuirwo rĩtigũaga. Nĩrĩkaraga mũno rĩgĩkagwa nakoguo wanyua njohi ya mũratina ũrongora gĩrio ũrotũra ta kĩratina ũtekũgwa.

3. Ũkĩ- ũkĩ ũhũngagwo nĩ njũkĩ. Njũkĩ ĩthiaga kũhũnga irũa ng'on-go na ng'ongo no ndĩngĩaga gũcoka okũrĩa yumire. Ũkĩ ũkũron-goragĩria ona ũngĩgathiĩ ihũngo ndũkanage gũcoka ũcokage ũrĩo mũgima na ndũkanore mũciĩ kana njĩra.

4. Kĩgwa- kĩgwa kĩega nĩkĩrĩa gĩkũrũ gĩgacokia mũrĩo gĩtina. Kĩ-gwa gĩkĩ nĩkĩhahagwo gĩgatigwo mbũa na ngogoyo ĩkaruga njohi. Kĩgwa gĩgĩkinya haha gĩkoragwo na marũngo. Wanyua njohi ĩno ũrongoragĩrio ũkũre na marũngo ta kĩgwa, na ũgathiĩ ũkirinĩ ndũ-kanakue. Ũririkane Mũgĩkũyũ wooma ndakuaga.

Anonymous kuma mbuku ya ũthiũ(facebook)

Rũgano rwa ndigiri na wambui mĩcore.



Tene tene tene mũno ndigiri na wambui mĩcore maciarĩtwo hamwe na marĩ a nyina ũmwe othe marĩ a rangi ũmwe wa kĩbuu.

Mũthenya ũmwe nĩkwarĩ na ndaci nene mũno na nyamũ nĩcietĩkĩrĩtio kwĩgemia biũ cigĩthĩ ndaci inĩ.

O nyamũ nĩyageragia gũthakara gũkĩra ĩrĩa ingĩ na kuoguo ndigiri na mwarĩ wanyina wambui mĩcore magĩcaria rangi nĩgũo megemie mathakare.

Nĩ macagũrĩre rangi mũirũ na

mwerũ nĩguo cigeme ithakare. Ndigiri ya mbĩrĩrie kũhakwo rangi mweru na ikĩhakwo nĩyaguuga thithi mũno na yakwo ĩgĩtugutania thĩ ikĩhaka tĩri mũno. Wambui ona uguo akĩrakara mũno na akĩra ndigiri ambe amũhake.

Ndigiri ndarĩ na wĩki o tiga kũhaka wambui, mbere akĩmuhaka rangi mwerũ na thutha ucio akĩhakwo mĩcore ya rangi mũirũ. Ũndũ ũcio nĩ watũmire wambui athakare mũno na agĩtwĩka kĩrorerwo mũno.

Ihinda rĩa ndigiri rĩa kinya kũhakwo rangi ũrĩa mwerũ warĩ mũthiru na kuoguo watigarĩte o ũrĩa mũirũ.

O rĩrĩ yahakwo mũcora ũmwe gatagatĩ inĩ ka mũgongo ndaci ikĩambĩrĩria. Wambui akĩona nĩ egũcererwo agĩtema ihenya arorete ndaci inĩ. Ndigiri nĩarigirwo ũrĩa e gwĩka na akĩanĩrĩra na mũgambo mũnene akiugaga
Wambui haka haka haka!
Wambui haka haka haka!
Wambui haka haka haka!
Wambui mĩcore ndaigana gũco-

ka na thutha ahake ndigiri ona athĩ ndacokire rĩngĩ.

Kuma hĩndĩ ĩyo nginya ũmũthĩ ndigiri o ithaa ĩtũraga yanagia ĩgĩtaga wambui wao,
Wambui haka haka haka!
Wambui haka haka haka!
Wambui haka haka haka!
Na ũgũo nĩguo ndigiri yagire kũhakwo rangi guothe na ĩtũraga yetagĩrĩre wambui mĩcore arĩkie kũmĩcora.

Mwandĩki nĩ Joseph Kĩmani



WARŪBŪKŪ



Tene mũno mũthũngũ atanoka warũbũkũ maarĩ ndũgũ na njogu. Warũbũkũ nĩonaga akĩirwo mũno nĩ njogu tondũ nĩ mũnini kĩũga. Akĩira njogu atĩrĩ "tondũ ũnyonaga haha nĩ no ngũguucie na mũkwa ngũikie rũũ" njogu ikĩng'aũrĩra na mitheko "haha haha wee no mũgucanirie na wakahare"

Magĩkĩkanĩra kwambĩka mbĩtika ya kũmenya nũ ũraria maa. Nake warũbũkũ agĩgĩteng'era kũrĩ nguũ akĩmĩra ooũrĩa erire njogu. Agĩcoka akĩira nũgũ cimũtũire mĩkwa ya mahu-

ti matambi igũrũ rĩa mĩtĩ marĩa marũmĩrĩrie makĩohanio ũndũ matangĩtwũka.

Mũthenya wa mbĩtika wakinya, nũgũ cikĩiga mũkwa ooũũ wega kuuma mũtitũ harĩa njogu yaarĩ kinya rũũ harĩa nguũ yaarĩ.

Warũbũkũ akĩhitha mũtĩini gatagatĩ ka nyamũ icio cieri. Akĩaria na kayũ akiuga "njogu! Nyita mũkwa na ũrũmie wega!" Njogu igĩka oo ũrĩa yerirwo. Warũbũkũ agĩteng'era harĩ nguũ akĩmĩra oo ũguo. Nayo nguũ ikĩoha mũkwa njohero ikĩharĩria. Nayo njogu yohereire mũkwa

mũguongoinĩ.
Warũbũkũ agĩteng'era mũtĩini akĩanĩrĩra na kayũ "nĩwĩharĩrie?" Njogu igĩciria nĩyo yoorio igicokia "ĩini!" Nayo nguũ igĩciria nĩyo igicokia "ĩho!" Warũbũkũ akĩgũthũka na kayũ "guuciaaaa!!!"
Njogu ikĩgucia kahora tondũ ndendaga gũtihia warũbũkũ. Nake nguũ akĩgucia na hinya njogu ikĩigua igĩgĩkururio! Nayo igĩkinyĩra.
ikĩgucia nahinya kinya ikĩruta nguũ rũĩnĩ.
Nyamũ cieri ikĩng'eng'ana kuu-

ma rũciinĩ nginya hwainĩ. Mũtitũ wagiũrĩtwo ũkahana kiugũ kĩa ng'ombe. Nacio nyamũ cieri ikĩnoga mũno.

Warũbũkũ agĩteng'era kũrĩ njogu akĩmũria "nĩkĩ?" Njogu igĩcokia ihũmĩte mũno "hĩ! Nĩndoya moko naigũrũ! Nĩwahota." Warũbũkũ agĩteng'era kũrĩ nguũ nayo igĩcokia ihũmĩte "hĩ! Nĩndoya moko naigũrũ! Nĩwahota."
Kuuma hĩndĩ iyo njogu na nguũ ikĩhe warũbũkũ gĩtĩo.

Mwandiki ni Joseph Kimani